


The Blue Lobster Restaurant celebrando di dos aniversario

ORANJESTAD- Parce cu ta ayera cu Golazo Café na Noord a habri luga pa lo cual awo ta un di e miho restaurantnan di Aruba. Dia 15 di October binidero The Blue Lobster ta haci exactamente dos aña den servicio. Cu sanger, sodo y hopi trabao, Sr. Castaño cu su yerno Sandro, compañía di un excelente equipo di colaborado a logra pone riba mercado un excelente imagen y un nomber cu awor aki ta zona den cada skina di Aruba, THE BLUE LOBSTER cu hopi humildad y respet pa tur competido a sa di dreña den curason di nos comunidad y a haya un tremendo acogida cu ta di kita sombre. Nos trahado manera Haidy, Arianne, Matias, Joshua, Joel, Zuly, Alba, Artur, Sonny hunto cu otro



goshi pone e bon nomber di e dushi isla aki na halto.

Sr. Castaño a yega Aruba 42 aña pasa y a ricibi e sosten di su casa Silma y su yunan Haildy y JeanPierre. Sr. Castaño semper tabata tin Aruba na su curason y a traha duro den turismo. Te cu awo na edad halto toch, na luga di retira a bin cu e idea pa hunto cu su yerno y su famia pa habri The Blue Lobster y asina yuda engrandece ainda mas e dushi baranca ARUBA.

Un danki inmenso ta bay pa tur hende cu a sostene nos y cu a kere den nos, Sr. Castaño a bisa. P'esey un y tur ta wordo invita pa bin na The Blue Lobster y disfruta di e cuminda di calidad halto y e servicio profesional cu The Blue Lobster ta ofrece.



colaborado manera Mario, Adriana, Alba Quintero y nos proveedor a haci posibel cu The Blue Lobster a subi asina halto den aprecio di e comunidad, Masha danki pa boso esfuerso. Si nos bay recorda un tiki di tur lo cual a pasa den e dos aña aki na The Blue Lobster, ta cos bon so ta bin na memoria. Por ehempel e famia di San Nicolas cu for di dia cu nos a habri, nan ta bin tur diasabra pa come cabrito stoba. Of e pareha di Brasil Sr. y Sra. Kumisuni, cu a bin come 5 biaha den un siman prome cu nan a bai bek nan cas of e pareha di Polonia cu a bin casa na Aruba y a come 7 biaha na THE BLUE LOBSTER. Of e famia Virello di Merca cu a bin straight for di aeropuerto, y come prome cu bay check in na nan hotel. Tambe tin hopi persona y comerciante di Aruba cu a scoge THE BLUE LOBSTER como nan luga preferi

pa haya un lunch hopi dushi den un ambiente hopi elegante y tranquil. Of e diferente sponsor cu THE BLUE LOBSTER a duna pa colabora cu meta y beneficio di organisacionnan. P.e. Fundacion Sonrisa, Imelda Hof, Team di landamento sincroniza Barracuda. E reina hubenil di Noord pa Carnaval 2012. Esaki ta algun di e varios nan cu The Blue Lobster a yega di yuda. Na October The Blue Lobster ta bai cuminsa bende souvenir na su clientela, pa asina recauda fondonan pa Maria Stella, Cas di Hubentud y Casa Cuna. Esakinan ta planan cu ainda mester wordo concretisa, pero souvenirnan ta yegando Aruba pronto. The Blue Lobster a wordo honra tambe cu bishita di periodistanan stranhero, cu a wordo treci pa ATA. Of pa companianan manera Avianca, tambe ricibi bishita di Presidente di Club Campestre na Colombia, propietario nan di



HOTELES VIAJO cu ta un cadena hotelero Colombiano. Nos no por keda sin menciona cu den solamente 16 luna di tempo The Blue Lobster a ricibi dos premio internacional (trip advisor) y un premio local di hopi importancia (THE BEST OF ARUBA)

además THE BLUE LOBSTER a wordo inclui den e lista di "THE 10 BEST OF ARUBA." Aruba mester ta hopi orguyoso no solamente di The Blue Lobster pero tambe di tanto hende local y stranhero cu ta haci todo por todo pa nan ne-

Como muestra di aprecio pa e comunidad di Aruba henter e luna di september nos prijs di cuminda cu ta na dollar "ta bira florin" tanto pa merdia como pa anochi. Bin celebra cu nos henter e luna aki. Masha danki Aruba. □